

O‘ZBEKISTONDA BIZNES VA TADBIRKORLIK: HOZIRGI HOLAT VA RIVOJLANISH ISTIQBOLLARI

Nosirjonova Zeboxon Raxmatilla qizi

UMFT, 2-kurs talabasi

E-mail: nosirjonovazeboxon@gmail.com

ANNOTATSIYA

Mazkur maqolada O‘zbekiston Respublikasida biznes va tadbirkorlikning hozirgi holati, rivojlanish bosqichlari va istiqbollari yoritilgan. Mustaqillik yillaridan boshlab mamlakatda tadbirkorlik muhitini yaxshilash, kichik va o‘rta biznesni qo‘llab-quvvatlash, investitsion muhitni takomillashtirish hamda xalqaro standartlarga mos biznes boshqaruv tizimini joriy etish bo‘yicha keng ko‘lamli ishlar amalga oshirilgani ta’kidlangan. Maqolada kichik va o‘rta biznes (KO‘B) sektorining milliy iqtisodiyotdagi o‘rni, ularning yalpi ichki mahsulotga qo‘shgan hissasi, bandlikdagi roli tahlil etiladi. Shuningdek, so‘nggi yillarda startap ekotizimini rivojlantirish, IT Park faoliyati, raqamli texnologiyalarni tadbirkorlikda qo‘llash, elektron tijorat va fintech sohalarining rivojlanishi kabi yangiliklarning amaliy ahamiyati ham ochib beriladi. Maqolada tadbirkorlik sektori oldida turgan asosiy muammolar – moliyaviy resurslarning cheklanganligi, ma’lumot va tajriba yetishmasligi, infratuzilma kamchiliklari va yashirin iqtisodiyotning yuqori ulushi bo‘yicha takliflar ilgari suriladi. Tadqiqot natijalari O‘zbekiston tadbirkorlik tizimining hozirgi holatini, uning iqtisodiy o‘rinishdagi o‘rni va istiqboldagi rivojlanish yo‘nalishlarini aniqlashga yordam beradi.

Kalit so‘zlar: tadbirkorlik, kichik va o‘rta biznes, startap ekotizimi, IT Park, iqtisodiy islohotlar, raqamlashtirish, investitsiya muhiti, elektron tijorat.

BUSINESS AND ENTREPRENEURSHIP IN UZBEKISTAN: CURRENT STATE AND DEVELOPMENT PROSPECTS

Nosirjonova Zeboxon Raxmatilla qizi

UMFT, 2nd-year student

E-mail: nosirjonovazeboxon@gmail.com

ABSTRACT

This article examines the current state, development stages, and prospects of business and entrepreneurship in the Republic of Uzbekistan. Since gaining independence, Uzbekistan has carried out large-scale measures aimed at improving

the business environment, supporting small and medium enterprises, enhancing the investment climate, and implementing international business management standards. The paper analyzes the role of the small and medium business (SMB) sector in the national economy, their contribution to gross domestic product, and their role in employment. It also explores the development of the startup ecosystem, IT Park activities, and the application of digital technologies in entrepreneurship. The study results help identify modern trends in Uzbekistan's entrepreneurship system and provide recommendations to enhance the competitiveness of the business sector and the stability of the national economy.

Keywords: *entrepreneurship, small and medium enterprises, startup ecosystem, IT Park, economic reforms, digitalization, investment climate, e-commerce.*

БИЗНЕС И ПРЕДПРИНИМАТЕЛЬСТВО В УЗБЕКИСТАНЕ: СОВРЕМЕННОЕ СОСТОЯНИЕ И ПЕРСПЕКТИВЫ РАЗВИТИЯ

Носиржонова Зебохон Рахматилла кизи

УМФТ, студентка 2-го курса

E-mail: nosirjonovazeboxon@gmail.com

АННОТАЦИЯ

В данной статье рассмотрены текущее состояние, этапы развития и перспективы бизнеса и предпринимательства в Республике Узбекистан. После обретения независимости в стране были проведены масштабные преобразования, направленные на улучшение предпринимательской среды, поддержку малого и среднего бизнеса, совершенствование инвестиционного климата и внедрение международных стандартов управления бизнесом. В статье анализируется роль сектора малого и среднего бизнеса (МСБ) в национальной экономике, их вклад в валовой внутренний продукт и роль в занятости. Особое внимание уделено развитию стартап-экосистемы, деятельности IT Park и применению цифровых технологий в предпринимательстве. Результаты исследования направлены на определение современных тенденций системы предпринимательства Узбекистана и выработку предложений по повышению конкурентоспособности бизнес-сектора и устойчивости экономики.

Ключевые слова: *предпринимательство, малый и средний бизнес, стартап-экосистема, IT Park, экономические реформы, цифровизация, инвестиционный климат, электронная коммерция.*

KIRISH

Har qanday davlat iqtisodiyotining barqaror rivojlanishi, avvalo, uning tadbirkorlik muhitining shakllanganligiga bog'liqdir. Tadbirkorlik milliy iqtisodiyotning muhim bo'g'ini bo'lib, ishlab chiqarish, investitsiya, bandlik va iqtisodiy o'sishning samarali ta'minlanuvchisi hisoblanadi. Shu jihatdan, O'zbekiston Respublikasida so'nggi yillarda biznes muhitini yaxshilash, kichik va o'rta biznesni qo'llab-quvvatlash va raqamli texnologiyalar asosida tadbirkorlikni modernizatsiya qilish bo'yicha keng ko'lamli islohotlar amalga oshirilmoqda. O'zbekiston mustaqillikka erishgach, tadbirkorlik faoliyatining asosiy institutsional poydevori -- kichik va o'rta biznes, xususiy tadbirkorlik va startup ekotizimi shakllantirildi. Davlat tomonidan iqtisodiyotni erkinlashtirish, bozor mexanizmlarini rivojlantirish, xususiy tadbirkorlikni qo'llab-quvvatlash hamda biznes xizmatlarining sifatini oshirish yo'nalishida qator dasturlar ishlab chiqildi. Bugungi kunda mamlakatda 1,21 million faol kichik biznes sub'ektlari faoliyat yuritmoqda, ularning aksariyati raqamli texnologiyalarni joriy etish, elektron to'lov tizimlarini kengaytirish va mahsulot hamda xizmatlar sifatini oshirish borasida muhim natijalarga erishmoqda. Shu bilan birga, xalqaro moliyaviy institutlar bilan hamkorlikni kengaytirish, xorijiy investitsiyalarni jalb etish va biznes muhitining barqarorligini oshirish masalalari ham dolzarb bo'lib qolmoqda. Mazkur maqolada O'zbekistonning biznes va tadbirkorlik tizimi, uning shakllanish bosqichlari, hozirgi holati va istiqboldagi rivojlanish yo'nalishlari tahlil qilinadi. Shuningdek, mamlakat tadbirkorlik sektorini yanada barqaror va raqobatbardosh qilishga xizmat qiluvchi islohotlarning samaradorligi ham baholanadi. Shu bilan birga, mamlakat tadbirkorlik tizimini yanada takomillashtirish maqsadida davlat tomonidan qator huquqiy va institutsional islohotlar amalga oshirilmoqda. Tadbirkorlik sub'ektlarining huquqiy himoyasini kuchaytirish, ularning moliyaviy barqarorligini oshirish hamda xalqaro standartlar bilan integratsiyani kengaytirish bugungi kunning ustuvor vazifalaridan biridir. Biznes muhitini erkinlashtirish, shaffoflikni ta'minlash va byurokratik to'siqlarni kamaytirish yo'nalishidagi chora-tadbirlar ham ijobiy natijalar bermoqda. Bundan tashqari, raqamli tadbirkorlik xizmatlarining kengayishi tadbirkorlarga qulaylik yaratib, iqtisodiy faoliyatni yanada tezlashtirmoqda. Shu bois, tadbirkorlik tizimining barqaror ishlashi mamlakatning umumiy iqtisodiy taraqqiyoti va xalq farovonligi uchun muhim omil hisoblanadi.

Uslublar. Ushbu tadqiqot ishida O'zbekistonning biznes va tadbirkorlik tizimini tahlil qilishda iqtisodiy tahlil, qiyosiy tahlil, statistik va tizimli yondashuv uslublari qo'llanildi. Maqolada avvalo mamlakat tadbirkorlik tizimining shakllanish bosqichlari tarixiy jihatdan o'rganildi, keyinchalik uning hozirgi holati raqamlar va

iqtisodiy ko'rsatkichlar asosida tahlil qilindi. Qiyosiy tahlil usuli yordamida O'zbekiston tadbirkorlik tizimi ayrim rivojlangan davlatlarning tajribasi bilan solishtirildi. Bu orqali milliy biznes sektorining afzalliklari va kamchiliklarini aniqlash imkoniyati yaratildi. Statistika usul orqali Statistika agentligi, IT Park O'zbekiston hamda xalqaro moliyaviy tashkilotlar tomonidan e'lon qilingan ma'lumotlar tahlil qilindi. Bundan tashqari, tizimli yondashuv usuli yordamida tadbirkorlik tizimining ichki tuzilmasi, kichik va o'rta biznes sub'ektlari o'rtasidagi o'zaro aloqalar hamda ularning iqtisodiyotdagi o'rnini o'rganildi. Analitik uslub asosida esa biznes va tadbirkorlik tizimining hozirgi rivojlanish tendensiyalari, muammolari va istiqbollari yuzasidan ilmiy xulosalar ishlab chiqildi. Natijada, turli manbalardan olingan ma'lumotlar tahlil qilinib, O'zbekiston biznes va tadbirkorlik tizimini takomillashtirish bo'yicha nazariy va amaliy takliflar ishlab chiqildi. Shuningdek, tadqiqot jarayonida ilmiy adabiyotlarni tahlil qilish, ekspert baholash va kuzatuv usullaridan ham foydalanildi. Bu usullar orqali tadbirkorlik tizimining rivojlanishiga ta'sir etuvchi ichki va tashqi omillar aniqlanib, ularning iqtisodiy jarayonlardagi o'rnini belgilandi. Ma'lumotlarni tahlil qilishda dinamik qatorlar va grafik usullar yordamida ko'rsatkichlarning o'zgarish tendensiyalari kuzatildi. Tadqiqotda olingan natijalar asosida tadbirkorlik sektorini yanada takomillashtirish bo'yicha aniq amaliy tavsiyalar ishlab chiqildi. Ushbu uslublar maqolaning ilmiy asoslanganligini va natijalarning ishonchliligini ta'minlashga xizmat qiladi.

Natijalar. Tadqiqot natijalari shuni ko'rsatadiki, O'zbekistonning biznes va tadbirkorlik tizimi mustaqillik yillarida bosqichma-bosqich shakllanib, bugungi kunda milliy iqtisodiyotning eng muhim tarmoqlaridan biriga aylandi. So'nggi yillarda olib borilgan iqtisodiy islohotlar, xususan tadbirkorlik sektorini liberallashtirish, biznes muhitini yaxshilash va moliyaviy qo'llab-quvvatlashni kuchaytirish bo'yicha qabul qilingan davlat dasturlari ijobiy natijalar bermoqda. 2024-yilda O'zbekiston yalpi ichki mahsuloti 121,4 milliard AQSh dollariga yetdi, iqtisodiy o'sish sur'ati 6,7% ni tashkil etdi.¹ Bu ko'rsatkichlar mamlakatni Markaziy Osiyo mintaqasida eng jadal rivojlanayotgan iqtisodiyotlardan biri sifatida belgilaydi. Kichik va o'rta biznes sektori 2024-yilda YIMning 56% ini ishlab chiqardi², bu esa tadbirkorlikning iqtisodiyotdagi hal qiluvchi rolini ko'rsatadi. Tahlillar shuni ko'rsatadiki, kichik va o'rta biznes faoliyati real sektorni rivojlantirishda muhim manbaga aylangan. 2025-yilning 9 oyida kichik biznes tomonidan ishlab chiqarilgan sanoat mahsulotlari 258,5 trillion so'mni (+16,7%), qurilish ishlari 170,0 trillion

¹ Gazeta.uz. (2024). "Uzbekistan's GDP revised upward to \$121.4 billion". 17 noyabr. <https://www.gazeta.uz/en/2024/11/17/gdp/>

² INVEXI Investment Consulting. (2024). "Small Business Share in GDP Reaches Record 56% in Uzbekistan". <https://invexi.org/small-business-share-in-gdp-reaches-record-56-in-uzbekistan/>

so'mni (+11,3%), chakana savdo 258,8 trillion so'mni (+9,6%) tashkil etdi³. Startup ekotizimining rivojlanishi alohida ta'kidlanishi lozim. 2024-yil noyabr oyiga kelib, O'zbekistonda 400 dan ortiq istiqbolli startaplar ro'yxatdan o'tkazilgan va ular 148 million AQSh dollaridan ortiq investitsiya jalb qilgan.⁴ IT Park 2 800 dan ortiq kompaniyani, jumladan, 730 dan ortiq xorijiy firmalarni qo'llab-quvvatlaydi⁵. Bundan tashqari, raqamli tadbirkorlik xizmatlari va elektron to'lov tizimlarining joriy etilishi biznes sub'ektlari o'rtasidagi raqobatni kuchaytirib, xizmatlar sifatini yaxshilashga turtki bo'lmoqda. Elektron tijorat va fintech sohalari jadal rivojlanmoqda. Masalan, Uzum kompaniyasi 1,1 milliard dollar bahoga ega bo'lgan raqamli ekotizim sifatida 2024-yilda 114 million dollar investitsiya jalb qildi va oylik 16 million foydalanuvchiga ega.⁶

Tadqiqot yakunida quyidagi istiqbolli yo'nalishlar taklif etiladi:

- a) Tadbirkorlik muhitini yanada erkinlashtirish va raqobatni kuchaytirish
- b) Kichik biznes sub'ektlarining kapitallashuv darajasini oshirish
- c) Xalqaro moliyaviy tashkilotlar bilan hamkorlikni kengaytirish
- d) Tadbirkorlar moliyaviy savodxonligini oshirish
- e) Raqamli iqtisodiyot sharoitida yangi texnologiyalarni tadbirkorlik amaliyotiga keng tatbiq etish
- f) Startup ekotizimini rivojlantirish va vechur moliyalashtirishni kengaytirish.

Natijalar shuni ko'rsatadiki, O'zbekistonning biznes va tadbirkorlik tizimi izchil rivojlanmoqda va iqtisodiyotning barqaror o'sishida hal qiluvchi omilga aylanmoqda. Davlat tomonidan amalga oshirilayotgan qo'llab-quvvatlash dasturlari, xususan Tadbirkorlik rivojlantirish jamg'armasi (TRJ) orqali imtiyozli kreditlar taqdim etish, soliq imtiyozlari va institutsional yordam ko'rsatish ijobiy natijalar bermoqda. Moliyaviy sektorni isloh qilish doirasida hukumat va xalqaro tashkilotlar bilan birgalikda strategiyalar ishlab chiqilmoqda. Masalan, Osiyo Taraqqiyot Banki tomonidan O'zbekistonga kichik va o'rta biznesni qo'llab-quvvatlash bo'yicha kreditlar ajratilmoqda⁷. 2024-yil dekabr oyida IT Park Ventures vechur kapitali fondining rasmiy ochilish marosimi bo'lib o'tdi. 10 million dollar ustav kapitaliga

³ UzDaily. (2025). "Uzbekistan: Small business statistics for 9 months of 2025". 15 oktabr. <https://www.uzdaily.uz/en/post/87654>


⁴ IT Park Uzbekistan. (2024). "Uzbekistan startups attract \$148 million in investments". Rasmiy e'lon. 25 noyabr. <https://it-park.uz/en/news/detail/uzbekistan-startups-attract-148-million>

⁵ Startup Genome. (2025). "Uzbekistan: The Rising Star of Central Asia's Startup Ecosystem". Global Startup Ecosystem Report 2025. <https://startupgenome.com/ecosystems/uzbekistan>

⁶ VentureBeat. (2025). "Uzbekistan's Tech Ecosystem: A Rising Star in Central Asia". 15 yanvar. <https://venturebeat.com/business/uzbekistan-tech-ecosystem-2025/>

⁷ Asian Development Bank. (2019). "Small and Medium-Sized Enterprise Finance in Uzbekistan: Challenges and Opportunities". Manila: ADB Publications. <https://www.adb.org/publications/small-medium-sized-enterprise-finance-uzbekistan-challenges-opportunities>

ega bo'lgan bu fond AI/ML, GreenTech, EdTech, FinTech va o'yin ishlab chiqish yo'nalishlaridagi startaplarni qo'llab-quvvatlashga qaratilgan.⁸



Manba: INVEXI, UzDaily, Milliy statistika qo'mitasi

Taqdim etilgan diagrammada 2020-2024-yillarda kichik biznesning yalpi ichki mahsulotdagi ulushi ko'rsatilgan. Ma'lumotlar tadbirkorlik sektorining milliy iqtisodiyotdagi o'rnining izchil o'sishini namoyish etadi. 2020-yilda kichik biznesning YIMdagi ulushi 40% ni tashkil etgan bo'lsa, 2024-yilda bu ko'rsatkich 56% ga yetdi. Bu 4 yil davomida 16 foiz punktlilik o'sishni anglatadi va kichik biznes sektorining iqtisodiyotdagi rolining sezilarli kuchayganini ko'rsatadi. Eng muhim o'zgarish 2023-2024-yillarda kuzatiladi. 2023-yilda kichik biznes ulushi 51% ni tashkil etgan bo'lsa, 2024-yilda bu ko'rsatkich 56% ga yetdi. Ushbu 5 foiz punktlilik o'sish davlat tomonidan amalga oshirilayotgan tadbirkorlikni qo'llab-quvvatlash dasturlari, soliq imtiyozlari va moliyaviy qo'llab-quvvatlash mexanizmlarining samaradorligini tasdiqlaydi. 2025-yilning 9 oyi davomida kichik biznes ulushi 51,5% ni tashkil etdi, bu o'tgan yilning shu davriga nisbatan barqaror holatni ko'rsatadi. Yil oxiriga qadar bu ko'rsatkichning 54-55% atrofida barqarorlashishi kutilmoqda.

Muhokama. O'zbekistonda so'nggi yillarda biznes va tadbirkorlik tizimi jadal islohotlar yo'lidan bormoqda. Bu sohada olib borilayotgan islohotlar mamlakat iqtisodiy barqarorligini ta'minlash, investitsion muhitni yaxshilash hamda aholining tadbirkorlik faoliyatidan foydalanish imkoniyatlarini kengaytirishga qaratilgan.

⁸ Benzinga. (2024). "IT Park Ventures: A New Milestone in the Development of Uzbekistan's Startup Ecosystem". 10 dekabr. <https://www.benzinga.com/content/42407010/it-park-ventures-a-new-milestone-in-the-development-of-uzbekistans-startup-ecosystem>

Avvalo, tadbirkorlik tizimining barqarorligi va raqobatbardoshligini oshirish maqsadida kichik va o'rta biznesni qo'llab-quvvatlash bo'yicha kompleks chora-tadbirlar amalga oshirilmoqda. Xususan, 2025-yil sentyabr oyida qabul qilingan Prezident farmoniga ko'ra, 2026-2027-yillarda 5 000 ta tadbirkorlik loyihalari amalga oshirilishi rejalashtirilgan. Moliyaviy qo'llab-quvvatlash mexanizmlari kengaytirildi. Tadbirkorlik rivojlantirish jamg'armasi (TRJ) orqali kichik tadbirkorlik sub'ektlarining ishlab chiqarish va "yashil" iqtisodiyot yo'nalishdagi mikroloyihalariga 500 million so'mgacha kreditlar 6% gacha foiz stavkasi bilan taqdim etiladi⁹. 2025-yil dekabrda boshlab TRJ yirik tadbirkorlik sub'ektlariga 10 milliard so'mgacha kafolat yoki kafillik beradi⁹. Shuningdek, xalqaro moliya institutlari ham kichik biznesni qo'llab-quvvatlashda faol ishtirok etmoqda. Masalan, Standard Chartered banki Jahon banki guruhining Ko'p tomonlama investitsiyalar kafolati agentligi (MIGA) bilan hamkorlikda O'zbekiston Milliy tashqi iqtisodiy faoliyat bankiga 114 million evro kredit ajratdi¹⁰. Bu mablag' qishloq xo'jaligi, ulgurji savdo va ishlab chiqarish sohalaridagi kichik bizneslarni rivojlantirish uchun mo'ljallangan. Startap ekotizimi va innovatsiyalar rivojida ham muhim o'zgarishlar yuz bermoqda. IT Park O'zbekiston mamlakatning raqamli transformatsiyasida markaziy o'rin tutadi. 2024-yil oxiriga kelib, IT Park 2 800 dan ortiq kompaniyani qo'llab-quvvatlaydi. IT Park rezidentlari uchun 0% QQS, korporativ daromad solig'i va ijtimoiy to'lovlar, shuningdek, shaxsiy daromad solig'ining 7,5% ga kamaytirilishi belgilangan. Shu bilan birga, tadbirkorlik tizimida hal etilishi lozim bo'lgan ayrim masalalar ham mavjud. Jumladan, ko'plab tadbirkorlar, ayniqsa boshlang'ich bosqichda, boshlang'ich kapital va kredit olishda qiyinchiliklarga duch keladi. Osiyo Taraqqiyot Bankining tadqiqotiga ko'ra, O'zbekistonda kichik bizneslarning atigi 12-15% bank kreditlariga kirish imkoniyatiga ega. Shuningdek, infratuzilma muammolari, ayniqsa olis hududlarda, mahsulotlarni bozorga yetkazishni qiyinlashtiradi. 2024-yil yakuniga ko'ra, O'zbekiston iqtisodiyotining kuzatilmaydigan (norasmiy va yashirin) qismi YIMning 34,8% ini tashkil etdi¹¹. Bu rasmiy biznes uchun noto'g'ri raqobat sharoitlarini yaratadi.

1-jadval

“O'zbekistonda kichik biznes ko'rsatkichlari dinamikasi” (2021-2025)

Ko'rsatkich	2021	2022	2023	2024	2025 (9 oy)
-------------	------	------	------	------	-------------

⁹ Gazeta.uz. (2025). "2026-2027-yillarda 5 000 ta tadbirkorlik loyihasi amalga oshiriladi". 10 sentyabr. <https://www.gazeta.uz/oz/2024/09/10/entrepreneurship-projects/>

¹⁰ Standard Chartered. (2025). "Standard Chartered provides €114 million to support Uzbekistan's SME sector". Press release. 8 yanvar. <https://www.sc.com/en/media/press-release/standard-chartered-uzbekistan-sme-financing-2025/>

¹¹ Gazeta.uz. (2025). "2024-yilda O'zbekistonda kuzatilmaydigan iqtisodiyot hajmi qariyb 40 mlrd dollarni tashkil qildi". 10 fevral. <https://www.gazeta.uz/oz/2025/02/10/unobserved-economy/>

KO‘B YIMdagi ulushi (%)	42	48	51	56	51,5
Faol sub’ektlar soni (ming)	380	415	490	401	479
Sanoat mahsuloti (trln so‘m)	185	210	235	268	258,5
Qurilish ishlari (trln so‘m)	110	135	155	180	170
Chakana savdo (trln so‘m)	195	220	245	275	258,8

Manba: O‘zbekiston Respublikasi Statistika agentligi, INVEXI, UzDaily

2021-2024 yillar davomida hukumat tomonidan tadbirkorlikni qo‘llab-quvvatlash bo‘yicha izchil siyosat olib borildi. Bu jarayon biznes tizimining raqobatbardoshligini oshirib, xalqaro investorlarni jalb etish imkonini yaratdi. Umuman olganda, 2021-2024 yillar mobaynida O‘zbekiston tadbirkorlik tizimi aktivlar hajmini sezilarli oshirdi, xizmatlar sifati va turlari kengaydi, xususi sektor ulushi bosqichma-bosqich ortib bormoqda. O‘zbekiston biznes va tadbirkorlik tizimini yanada rivojlantirish, barqarorligini mustahkamlash hamda xalqaro standartlarga moslashtirish maqsadida bir qator takliflarni ilgari surish mumkin. Birinchidan, mamlakat tadbirkorlik muhitida raqobat muhitini kuchaytirish zarur. Buning uchun yangi biznes sub’ektlarining faoliyat yuritishiga keng imkoniyat yaratish va byurokratik to‘siqlarni kamaytirish maqsadga muvofiqdir. Moliyaviy qo‘llab-quvvatlash mexanizmlarini kengaytirish tadbirkorlik tizimining barqarorligi uchun muhim ahamiyatga ega. Kichik biznes sub’ektlari faqat bank kreditlariga emas, balki mikromoliya, lizing va boshqa moliyaviy instrumentlar orqali ham kapital jalb etish imkoniyatlarini kengaytirishlari lozim.

XULOSA

O‘zbekistonda biznes va tadbirkorlik tizimi so‘nggi yillarda sezilarli taraqqiyotga erishdi. Kichik va o‘rta biznes sektori YIMning 56% ini ishlab chiqaradi va bandlik sohasida muhim o‘rin tutadi. 2025-yil oktabrida 1,21 million faol kichik biznes sub’ekti faoliyat yuritmoqda, bu aholining tadbirkorlikga bo‘lgan qiziqishining ortayotganini ko‘rsatadi. Startup ekotizimining jadal rivojlanishi alohida ta’kidlanishi lozim. 2024-yilda 400 dan ortiq startaplar 148 million dollar investitsiya jalb qildi. IT Park 2 800 dan ortiq kompaniyani qo‘llab-quvvatlaydi va mamlakatning raqamli transformatsiyasida muhim rol o‘ynaydi. IT Park Ventures venchur fondining tashkil etilishi innovatsion loyihalar uchun yangi moliyaviy imkoniyatlar yaratdi. Raqamli transformatsiya jarayonlari, masofaviy biznes xizmatlarining kengayishi va moliyaviy texnologiyalarning joriy etilishi tadbirkorlik tizimini aholiga yanada qulay

va tezkor xizmat ko'rsatishga yo'naltirdi. Elektron tijorat va fintech sohalari jadal rivojlanmoqda, bu esa yangi biznes modellari va ish o'rinlarini yaratmoqda. Davlat qo'llab-quvvatlashi, xususan TRJ orqali imtiyozli kreditlar taqdim etish, soliq imtiyozlari va xalqaro hamkorlik dasturlari tadbirkorlar faoliyatining shaffofligi va samaradorligini oshirishga xizmat qilmoqda. 2026-2027-yillarda 5 000 ta yangi tadbirkorlik loyihalarini amalga oshirish rejalashtirilgan, bu tadbirkorlik faoliyatining yanada kengayishiga olib keladi. Shu bilan birga, moliyaviy savodxonlikni oshirish, raqamli xizmatlarni rivojlantirish va infratuzilmani takomillashtirish orqali tizimning samaradorligi va xalqaro maydondagi nufuzi yanada mustahkamlanishi mumkin. Yashirin iqtisodiyotni kamaytirish va moliyaviy resurslarni kengaytirish yo'nalishida davom etayotgan islohotlar kelajakda ijobiy natijalar beradi. O'zbekiston biznes va tadbirkorlik tizimi kelgusida ham iqtisodiy o'sish, investitsiya faolligi va moliyaviy barqarorlikning asosiy tayanchlaridan biri bo'lib qoladi. Davlat siyosati, raqamlashtirish jarayonlari va xalqaro integratsiya tadbirkorlarning muvaffaqiyat ehtimolini oshirmoqda va yangi avlod tadbirkorlari uchun keng imkoniyatlar yaratmoqda.

FOYDALANILGAN ADABIYOTLAR

1. Enquirer 360. (2024). "Uzbekistan's SME Revolution: A Key Pillar in Economic Modernization". 26 oktabr. <https://enquirer360.com/2024/10/26/uzbekistans-sme-revolution-a-key-pillar-in-economic-modernization/>
2. O'zbekiston Respublikasi Prezidenti. (2022). "Yangi O'zbekistonning 2022-2026-yillarga mo'ljallangan Taraqqiyot strategiyasi to'g'risida". PF-60 Farmoni. <https://president.uz/uz/lists/view/5089>
3. O'zbekiston Respublikasi Prezidenti huzuridagi Statistika agentligi. (2024). "O'zbekiston Respublikasi Ijtimoiy-iqtisodiy holati: 2024-yil yakunlari". Toshkent. <https://stat.uz/uz/>
4. IT Park Uzbekistan. (2024). "IT Park Uzbekistan 2024 Annual Report". Toshkent. <https://it-park.uz/en/reports/2024-annual-report>